

潮州志

大事志
(二)

印 翻 准 不 有 所 權 版

館 志 修 州 潮 者 行 發

號 七 路 生 民 頭 汕

局 務 印 文 藝 者 刷 印

號 五 五 路 平 至 頭 汕

潮州志

大事志二

總纂饒宗頤輯訂

勳纂陳學儒輯

清

世祖

順治三年

丙戌
公元一六四六

十一月清兵入潮州潛襲廣州紹武君臣遇害

【明隆武二年】

唐王聿錫於是年十月二十九日【所知錄】載三代木主【易簣遺言】與大學士何吾騶自閩至粵南海關捷先番禹梁朝鐘首倡兄終弟及之議【明史蘇觀生傳】大學士蘇觀生遂與吾騶及布政使顧元鏡侍郎王

應華會道唯等會議【陳文忠行狀】於十一月癸卯朔擁立王【明季南略】以明年為紹武元年【東南紀事】就都司署為行宮封觀生建明伯掌兵部事進吾騶等秩擢捷先吏部尚書旋與元鏡應華道唯并拜東

閣大學士分掌諸部【通鑑輯覽番禹志前事】招海上鄭石馬徐四姓盜授總兵【東南紀事】有楊明競者潮州人好為大言詭稱精兵滿潮惠間可十萬特授潮惠巡撫【鹿樵紀聞】陳伯陶東莞志云楊明競潮

州志無其人惟選舉表有楊明經崇禎八年拔貢官江右副使疑即一人云詭稱精兵滿潮惠間可十萬此非事實據屈大均張文烈行狀云家玉在潮惠招撫盜賊僅得萬餘人時已散遣何從得精兵十萬且其時家玉

已回里觀生無弗聞明競詭言當不見信意當時盜賊徧潮惠明競潮人謂已招撫之可得精兵十萬故授以惠巡撫歟此亦一時權宜之計鹿樵紀聞不考其實亦近於誣【永明王遣兵科給事中彭耀入廣州諭唐王

去帝號王不從耀遇害觀生既殺耀日集兵向肇慶而清兵因得乘間窺潮惠矣十一月二十日壬戌李成棟入潮州【行在陽秋】又克惠州用潮惠印符日為文書郵廣州報平安而輕騎襲廣州【四朝成仁錄】十

二月十五日成棟以十七騎趨廣州令前鋒軍悉用紅帕裹首偽為援兵狀給守者奪門【清史修養甲傳】王方視學閱射羣臣朝服候行禮俄報清兵至王急變服從後踰垣出走匿大學士王應華家祠恐跡至復

間走洛城里為邏者所得是日大學士蘇觀生等殉難十八日凡諸王之附居廣州者皆見害於演武場而唐王獨拘繫於東察院清使人餽酒食王曰吾若飲汝一勺水何以見先帝於地下竟不食而逼令自盡【張岱

石匱書
後集

潮州山寨擁立趙王

趙王朱由棧自逃嶺南踞長樂【明清史料丙偏修養甲題本】時潮州山寨私擁之修養甲卒成棟遣兵至潮趙王遂自歸削髮居光孝寺【粵游見聞南明野史附錄】後順治四年七月初五日陳子壯稱兵與楊可觀圖劫趙王為內應【修氏題本】王實不知也廣州知府陸元機降清修李勒令王於玄妙觀自縊【粵游見聞】

清遣黃夢麟宣諭威德

修李統師入潮時黃海如陳斌等破澄海劉公顯馬麟等破揭陽蘇成據潮陽林學賢據惠來江龍謝志良等據程鄉大埔平遠各擁眾數萬養甲先遣閩士黃夢麟宣布朝廷威德羣盜皆潛伏潮州始奉正朔更置全潮文武官吏駐節【修養甲傳嘉應溫志】

誅林學賢於達三埠

是歲十一月廿九日修李由閩入粵取道惠來駐縣西破審山士民剃髮歸順為言林學賢劉達三墟離縣咫尺遂發兵齊進學賢迎戰死懸尸寨隅屠其寨林有聲遁【惠來張志】餘黨羅英黃亮采韓起金溫韜魯黃引扇虐【吳府志】

十二月明忠孝伯鄭成功蒞南澳傳檄勤王

十二月朔鄭成功會文武羣臣于烈嶼設高皇帝神位定盟恢復仍改明年丁亥為隆武三年移于南澳勤王者遠近至軍聲頗振【南明野史賜姓始末】初成功父芝龍為南澳副總兵明亡從唐王聿鍵于福州是歲三月唐王封成功忠孝伯福州破芝龍約降成功不從清師挾芝龍北去成功遂與所善陳輝張進乘二艦入海收兵南澳【周府志南澳齊志】

四年

丁亥
公元一六四七

清廷既定惠潮頒詔三十事

【明永曆元年】

詔略以平南之師席捲惠潮諸郡悉平合開恩例赦除官吏兵民人等罪犯蠲免人丁地畝錢糧加派察敘文武各官併行間兵士以憑封賞嚴懲貪賊官吏新定地方頒時憲曆優待南海諸國貢使招撫流亡兵民賑給各學貧生錢米舉薦山林隱逸修理帝王名臣賢士陵寢蠲免在民拖欠錢糧蠲免鹽課豁免丁銀給養窮民鰥寡孤獨殘廢不能自存者赦免犯罪自首還民間貿易資本給與鄉里有德頂帶榮身嚴禁擅科私稅察禁貪黷員司旌表節孝察敘投降將兵保護歸順地方城市准新降官兵歸農准騷擾將領將兵丁馬匹原數繳交者免罪陞賞土寇自首者赦免妖黨惟會首不赦海船巨寇投誠免罪遣謫戍回籍禁搜取贓物害民等凡三十事施行廣東全省【明清史料丙編粵東底定恩詔○清史稿世祖紀順治四年七月甲子頒赦惠潮詔與此文意略同】

春三月賴其肖起兵鎮平

是歲正月癸卯朔明永明王在梧州即位稱永曆元年二月明兵部右侍郎張家玉起兵東莞初鎮平賴其肖與弟其賢及應殿據鎮平至是起兵出攻各州縣以應家玉清副將文貴金及陳虎余成隆來戰日克三寨至勒馬寨責金單騎先入其肖伏兵起斬殺之四月潮州總兵許有信復統兵至圳礮與其肖遇其肖伏險邀之有信以不諳地利亦敗去【吳周府志南疆譯史明季潮州忠逸傳○行在陽秋其肖作天肖載起兵潮州在永曆元年二月壬申朔】

秋七月唐奇觀襲澄海

唐奇觀黃海如餘黨是月襲澄海城抄掠無算署縣事劉定鑑城折足被獲拷辱釋之時又有胡椒老犯澄城爲土豪楊廣擊退【吳府志澄海李志】

羅英圍惠來縣城

羅英普寧十三寨老鴉地賊自明季屢寇普揭是年七月二十六日賊黨數千圍揭陽城三日焚劫西南二關旋趨上都焚劫鉛錫杭美周田等鄉【惠來張志】

九月海兵擁明宗室朱由榛居揭陽稱監國

朱由榛明宗室益王子崇禎間流寓潮州數年是歲九月二十一日海兵擁之至揭陽與許元烈鍾振鳳劉有潘俊吳元程纓吳英呂耀林夢祥林西疇林互五等潛謀興復以許丹山爲軍師踞縣城三日稱監國遣陳高

震黃虬入山結連九軍往攻府城援揭鎮道聞警密召鄉兵誘吳元降為內應開門放兵入海兵棄由棹揚帆去許元烈鍾鳳震皆被殺程繆吳英等逃脫是夜總兵車任重統兵至擒由棹殺之餘眾潰散至順治五年三月二十七日林夢祥林西疇林互五陳高振劉有及許丹山等為清兵俘殺于縣前【吳府志揭陽劉志】

潮陽張禮據招砂二都稱渠長

是歲潮陽招收砂浦二都聚眾作亂值驍少張禮【吳府志作張鯉】浪遊達濠眾擁禮為渠長掠鄉攻邑【潮陽唐志周府志】

鄭成功募兵南澳

時成功謀舉義而兵將戰艦百無一備往南澳召募聞水歷即位粵西遙奉年號自稱詔討大元帥罪臣有眾三百人於厦門之鼓浪嶼訓練委黃愷於安平鎮措餉識者知其可與有為於是平國舊將咸歸心焉【海上

見聞錄】

五年戊子夏四月明鄭鴻達駐師揭陽

【永曆二年】

四月閩帥定國公鄭鴻達率舟師三千人艦艘大小三百餘隻至潮陽港口九軍首領劉公顯等引至揭陽舟載明淮王【即朱常清】寧靖王【即朱術桂】吳周府志作朱由桂【及陳豹楊際時郭子英蔡昇林黃林英等同來駐紮揭陽防衛森嚴旋禁著軍火【揭陽劉志參西南紀事】時閩地大饑糧餉缺乏舟師至潮隨地取餉【海上聞見錄】陳豹之入潮陽索餉也張禮糾合陳拔伍黃亮采林正輝李芳等環攻之豹遁其黨呂英從北門竄去羣寇乘勢闖城索犒禮出鏹二千兩散眾自據邑城【吳府志潮陽唐志】

九軍政府城不逞

是歲金甲賊呂耀踞揭陽東門外邢家園肆劫掠署縣張曉擒殺之四月二十七日九軍首領劉公顯劉勝黃甲馬麟擁眾犯府城為清兵所敗退回新亨鄉兵邀擊甚眾【揭陽劉志】

秋七月賴其肯以朱慈晉舉兵入大埔

是年七月賴其肯以朱慈睿起兵入大埔
饒平擊平和爲劉援兵所敗【吳府志】

車任重殺惠潮道李光垣潮州知府凌犀渠等

是歲巡撫修養甲提督李成棟以廣東叛清附明車任重者故府弁入綠林爲歸善紅頭賊丙戌冬就撫韓王
成恩帳下爲中軍官修李至受委潮州鎮及修李歸明永暨以肇慶道李光垣爲惠潮巡道南寧知府凌犀渠
爲潮州知府懷集知縣桂岳爲海陽知縣【東明聞見錄】三人原官上俱加清字并調令抵任時任重擁兵
驕恣光垣頗爲裁抑桂岳出任重部卒不遜于道岳執答之解府府責之解道道責之解任重怒七月賴
其肯以朱慈睿擊平和兵次郡城外任重請道府議事於座間殺之【吳府志
海陽張志東明聞見錄臺嶺外紀小腆紀年】聞見錄作入三人署擒殺之

宗顯接任重殺官之年周府志在郝尙久殺任重前一歲揭陽劉志繫於順治四年海陽吳志亦然與李
明事混蓋誤讀周志惟吳府志海陽張志俱載于五年戊子之歲與東明聞見錄小腆紀年合最爲可據正
當修李歸明之歲也又桂岳志并同東明小腆二書作岳桂居府志云任重本歸善招撫紅
頭賊黨自稱潮州總兵提兵勦吳六奇爲六奇伏兵截殺奔回潮僅以身免與聞見錄所載異

八月羅英破靖海所

是年六月七日羅英攻圍靖海所城署縣呂建周告急於府都督湯加幣監紀推官李元發帥師救援不克典
史黃雲龍往撫被留至八月所內食盡遂陷千戶陳襲死之黃雲龍被經擊幾斃【惠來張志】周府志繫於
順治三年八月
茲據惠來志

十一日黃鼎何一朗蹂普寧

先是饒平人黃鼎【秉國】託名教讀普寧林惠鄉專攬詞訟爲署知縣周一元繫於獄賂人保候得脫會七
月潮鎮總兵車任重有殺官之變鼎乘機勾引潮陽後山劇盜李芳等【吳府志作李馨】夜襲普城一元遁
去城市抄掠一空十月任重委海陽教諭傅相署將事招集殘民十一月原鄉總何一朗乘亂引九軍入縣城
鼎復囑衆李芳邱聲聞等還攻之一朗敗走挾傅相以去羣賊出入蹂殘鄉里鼎遙依海外爲聲援盤踞三載
官軍莫之誰何
【普寧縣志】

按吳府志稱何一朗八月攻黃鼎兵敗十一月署縣傳相為黃鼎所劫不言一朗引九軍踴城事周府志一朗作一郎又略其為黃鼎所敗及挾走傳相事所記詳略異詞茲據普寧志

冬十二月李成棟部將郝尙久抵潮城

先是修李叛清附明夏四月乙未朔永歷遣吏部侍郎吳貞毓商邱伯侯性勳勞李成棟於廣東封惠國公并封修養甲襄平伯八月癸巳王還肇慶拜成棟明大將軍時潮州鎮總兵車任重於七月殺道府李光垣等成棟陰令部將郝尙久聲言援閩漳假道潮州以除夕至屯兵寓於郡城南門外之崇福庵因密圖任重【南疆經史通鑑輯覽明季潮州忠逸傳】

宗顯按郝尙久行在陽秋作尙文據尙久撰溪東關帝廟碑本為河南人南安侯郝永忠之族姪初隸永忠為寇屯河上明御史凌軻招之渡河置開封【明史凌軻傳】明清史料丙篇兩廣總督李成棟揭帖言尙久曾隸成棟麾下為協副總兵乃海陽吳志誤據修養甲傳謂尙久與成棟有隙附明疑在成棟之先則疑不當疑尙久為成棟麾下其隨成棟附明原無先後七月車任重殺官故於十二月除夕銜命抵潮周府志誤五年除夕為四年除夕遂使海陽吳志誤六年元旦為五年元旦且特為考正

六年

己丑
公元一六四九

春正月元旦郝尙久殺潮鎮車任重

【永曆三年】

是年元旦郝尙久以輕騎入賀潮鎮車任重執禮甚恭並陳閩省待援之切乞策應夫役起行許之尙久見任重不為備歸至軍次陰部署以待任重答謂尙久叱武士收車斬之一時紅頭黨殲滅殆盡因報成棟成棟題

為潮州總兵封新泰伯
【吳府志台灣外紀】

宗顯按此事厯府志誤作五年茲據吳府志訂正行在陽秋謂尙久先守潮州清至降附戊子成棟內附復正明詔仍駐潮州蓋誤尙久在戊子成棟反正前會鎮潮考尙久初為成棟副總兵戊子除夕始抵潮其自撰關帝廟碑記云巳丑春率簡命鎮潮時蓋受明封為李成棟所題此可正陽秋之誤又按三餘氏南明野史是年三月永曆加都督車任重宮保鎮守惠潮總兵張世新張祥等各行分汛時任重已死殆道途遠未得其耗故有是除也

明永歷詔各地送考生員

廣東提督李成棟反正迎永曆於是永曆有船使令以為恢復在即詔各勳鎮考試諸生赴廣東進場成功遂送考生員葉后詔洪初闢等十餘人同黃志高賈本赴行在舟至潮陽遭風飄壞餘人不能達獨黃志高至粵詔以志高為兵部職方司主事使監成功軍命以舟師進取南都其後成功入長江即承此詔旨也【海上見聞錄】此為永曆與海上鄭氏往來之始

江龍復據大埔

是歲江龍復據大埔時明惠潮巡撫王芊【大埔志誤作芊】討之圍三月不克後糧竭潰圍奔投閩兵後隨閩兵攻烏石寨為銃擊死【英周府志大埔洪志溫志】大埔溫志大埔明末先後歸江龍吳六奇割據永曆二年李成棟以廣東歸明六奇亦以饒平大埔地歸永曆尋六奇出師前敵為潮州鎮總兵故江龍於是歲復入據大埔也

春三月鄭成功下詔安師屯分水關

成功自統兵馬下詔安師屯分水關修書遣楊乾生入潮州通總兵郝尚久尚久拒成功欲攻潮州以其有備遂分師旁掠【台灣外紀】海上見聞錄十一月賜姓解詔安圍督兵由分水關入潮州抵黃崗作十一月事勤以潮志以外紀為是

夏六月閩兵分略潮屬沿海諸縣

時潮屬多土豪擁據三河壩有吳六奇黃岡有黃海如南洋有許龍澄海有楊廣海山有朱堯潮陽有張禮碣石有蘇利等閩將施天福同黃海如說鄭成功取潮陽資其富饒且近海口有海門所達漳埔方可至縣恐許龍張禮為梗舟過饒平成功令移南洋許龍迎戰敗走陳斌楊廣朱堯等降【海上見聞錄吳府志澄海李志】時張禮踞達濠霞美二寨糧甚足楊廣勸成功舍龍攻禮禮棄二寨走青林又令黃山帥諸軍從靖海破惠來以汪匯為知縣【台灣外紀】閩兵自六月犯潮陽直浦都轉侵揭陽地美都七月初八日九軍出劉黃岐山陳豹出兵助之聲勢益橫【揭陽劉志】

秋七月殺羅英於惠來

羅英於是歲二月初一日襲破荊隴寨荊隴為大坵要區是時衆鄉殘破無寨可守惟荊隴頗固人盡依之及靖海所破至是守者與寇通寨遂陷大肆劫掠上都無完鄉矣六月十六日英再迫圍縣城四面俱佈柵柵圍

如鐵桶七月二十六日舉人高庭煥生員方國斌謝廷詔密請義民高亮福亮陸陳廷斌設伏北山豫昌等處交戰英敗被殺圍乃解【惠來張志○周府志作順治四年非】

八月林有聲黨破葵潭

八月初五日風雨大作閩寇林有聲餘黨黑夜襲葵潭寨殺掠無算寨內居民張黃林三姓田廬一空【周府志惠來張志】

九月潮鎮郝尙久破九軍於梅岡

先是八月二十六日鄭鴻達舟師與郝尙久府兵戰于鋪前自辰至酉大砲相攻彼此擊死千餘人旋劉公顯報郝兵大隊襲揭陽鴻達乃引退二十九日尙久與九軍再戰於鋪前鴻達還助尙久不能禦圍寨銃城木柵盡為所毀九月初一日尙久破九軍於梅岡時九軍屯烏岡山百姓震恐尙久抵深坑先命沈時鄭廷相合兵出大窖猝遇敵措手不及四散奔走尙久乘夜殺入大寨追奔十餘里斃閩鎮巫淑英生擒黃斌張火攻等各寨截三百餘人所奪旗幟皆鴻達部下十一月初四日知府沈時統兵屯琅山同蔡元帶鄉兵千餘進攻敵赤寨散走南臺太白寨皆卸【揭陽劉志】

冬十二月鄭成功至揭陽

十二月十七日鄭成功至揭與其叔定國公鴻達合兵并林勝楊才黃山施信楊勇洪進阮引康明甘輝黃凱史朝炯潘加鐘林期昌林翰顏尙通蕭武戴彰翁文賢等共二十四鎮至揭每鎮五百人【揭陽劉志】

七年

庚寅
公元一六五〇

春正月沈時圍駕驚寨不克

【永曆四年】

是年正月初八日知府沈時督兵破藍田諸賊寨二十日沈時與潮鎮郝尙久同勦駕驚寨丁宗周拒之府兵無功而還【揭陽劉志】

吳六奇郝尙久降清

七年正月清尙可喜克韶州下英德清遠從化明將吳六奇等迎降二月薄廣州復招潮州守將郝尙久以其城降【清史稿尙可喜傳】可喜以知府沈時署巡道【小腆紀年】

宗顯按李成棟以順治六年二月二十六日兵敗信豐河尙久聞成棟敗死先陰通清東明聞見餘南明野史俱云郝之子在南京來降時已遣人通馬都院國柱行在陽秋書永歷三年己丑十二月潮州守備郝尙

文【應作久】隆清又云五年辛卯三月新泰伯鎮守潮州總兵郝尙文潮州道沈時知府王朝鼎俱降清文爲複出然據可喜傳應在庚寅二月爲是

三月閩兵入潮陽屠和平降溪頭寨

鄭成功入潮陽知縣常望鳳【原作鳳據臺灣外紀改】降令洪旭駐鎮督糧徵餉楊才攻破和平寨屠之陳斌破溪頭寨【原作獅頭據潮陽志改】寨主黃亮采降【海上見聞錄】

宗頤按據臺灣外紀小腆紀年繫此事於正月潮陽唐志作順治七年之明年正月并載陳拔伍李芳羈獄成功發出于縣前殺之黃亮采躍入山哨黨數千與成功戰于峽山亮采父子俱陷陣中海上見聞錄又載是年六月亮采叛爲甘輝擊斬又吳府志載是年正月成功入普寧索餉棉湖寨入達濠殺張鯉【即張禮】又言是年八月成功入潮陽殺上弁黃亮采陳拔五李芳等考潮陽唐志順治七年成功入潮陽擊達濠殺張禮而揭陽劉志則載六年十二月十九日鄭鴻逵殺張禮于南河臺灣外紀亦言張禮爲鴻逵沈死年月事實亦異黃亮采與羅英俱休學賢餘黨張禮陳拔五爲土弁至是或投鄭氏或就誅戮潮惠土寇遂稍告肅平矣

夏四月閩兵破新虛寨敗郝尙久兵

四月鄭成功移兵揭陽鄭鴻逵言新虛寨不服攻之用龍熿【先是海中放光鴻逵令人沒水求之得大礮夾兩龍爲耳用船車出之號龍熿】入其城遂降潮鎮郝尙久引馬步數千來援成功迎敵陳斌躍馬入陣獲其中軍陳祿衆兵繼進追殺尙久僅以身免【海上見聞錄】

六月鄭成功圍府城燒廣濟橋

時成功已連得普寧揭陽惠來三縣六月引舟師攻蘇利於碣石風逆返師圍潮州部將黃海如陳斌及九軍劉公顯等犯潮州府圍府城五十日陳斌燒斷廣濟橋【海上見聞錄云成功議攻潮州陳斌進曰潮郡東西環溪只一浮橋通漳大路必須斷橋絕以援兵然後移紮西南攻圍從之尙久出兵戰敗浮橋石橋一齊焚燬】日夜攻擊郝尙久死守乞援於漳鎮王邦俊俊克雲霄詔安進師黃岡成功乃退上莆東莆龍溪諸都大破抄掠【吳府志海陽吳志台灣外紀小腆紀年參清史鄭芝龍傳】

余仁掠龍湖寨

先是順治五年土弁余仁偕余魁攻饒平城知縣鄭鈴與舉人鄭道璋禦之〔饒平劉志〕是歲仁復引閩兵掠龍湖寨為章領王邦安所窘乞降署惠來營〔吳周府志海陽吳志〕

蔡元守郡東

蔡元海陽人異歲閩兵犯郡元請於吳六奇駐兵江東岸為犄角乃披荆棘築砦以守今蔡家園是也後康熙甲辰遷海界沿海流民多依蔡家砦自保煙火萬家〔周府志〕

閏十一月鄭成功至潮陽興勤王之師

十一月成功至潮陽時廣西危迫永曆有旨召成功入援閩十一月成功令各鎮兵在船聽命南下勤王時黃海如在達濠通款清帥尚可喜事變遣林習山殺之〔台灣外紀海上見聞錄〕

十二月碣石蘇利將取惠來

順治六年鄭成功部將黃山破惠來以汪匯〔惠來張志作匯之〕為知縣盧爵鎮守之逐去舊縣令梁汝廣追糧餉居民苦之是歲閩兵欲回廈門碣石蘇利偵知之其將陳萬權率眾攻破惠來盧爵戰死知縣

汪匯自殺
台灣外紀

宗頤按惠來志稱汪匯是年秋據城又稱盧爵據龍溪都橫山為鄉民所害不書其為鄭氏部將據外紀可補其缺略

八年

辛卯

公元一六五一

春正月鄭成功舟師回南澳

〔永曆五年〕

先是成功遣洪政招銅山南澳諸島咸聽約束是年正月以舟師回南澳令洪政等返廈門〔台灣外紀〕周府志云是歲辛卯成功寇南澳敗清提督楊名時此事吳府志不載

閩師去揭敗蔡元于喬林

去歲十二月鄭成功抵揭陽議南下勤王乃命鄭鴻達回廈門〔海上見聞錄〕是年正月十七日鄭鴻達言回閩毀城門撤水柵黎明伴揚帆去撫兵陳敬等擁鄉兵乘潮涉淺入縣城鴻達還截港路見薙髮者皆斬

鄉兵棄衣服盔甲如邱山被殺者六百餘人溺死者不可勝計時蔡元亦提兵欲入縣至盤載村知鴻達猶在乃駐會厝寨鴻達帥小舟八十餘直達大溝河攻之十九日互戰自辰至申元敗走入喬林二十日鴻達攻喬林元引兵泊港口自辰至酉發砲三百餘屋瓦俱裂寨衆益堅閩兵環攻不能入越明日鴻達乃帥衆還閩時官兵概出城逃避鴻達去二日人猶不敢入城城內斷煙火雞犬聲五晝夜元至縣令民兵填塞釣鰲橋修復城門審柵不許追問鄭黨人心稍安【揭陽劉志】○台灣通史云是歲六月十八日鄭鴻達棄揭陽回島所紀月異【是歲閩兵圍潮陽城水獅頭山血流三十里至石港尙紅【普寧蕭志】】

夏黃鼎劉公顯等伏誅

黃鼎擾普寧數年是歲夏四月總兵郭虎徇普寧擒鼎斬之【吳府志普寧蕭志】而九軍首領劉公顯自清師至降從征肇慶已而遁歸至是年五月初六日總兵班志富收公顯馬麟傳達殺之傳首揭陽時志富又誘殺總兵郭虎先是閏二月郭虎入潮受亂魁賄賂引居府城妄聽破良寨及志富至郝尙久密啓之約擒虎會同道府鞠訊斬於南門并獲其親隨十一人送揭陽民攢毆斃之【吳周府志揭陽劉志】十二月十三日鄉練張鳳擒獲九軍標總劉龍斬於衙前【揭陽劉志】○吳府志云五月郭虎之廣州以總兵班志富代之殺劉公顯傳達【揭陽志作達】馬麟揭陽志言虎爲志富所殺所紀不同【

秋八月清兵圍攻駕鵞寨三月乃克

揭陽白塔洪姓寨自乙酉年爲九軍所踞連三寨曰鄭厝寨洪厝寨許厝寨更名曰駕鵞寨以丁宗周爲首丁卿丁羽丁貫鄒定李衍之羅懷鼎等附之皆劉公顯先鋒也聞大兵至屯聚固守八月【揭陽劉志繫此事於五月吳周府志俱作八月】十六日總鎮班志富郝尙久帥騎兵千餘步兵六千并檄十邑官兵蔡元吳式亭及撫兵楊廣余仁劉大隆陳敬許龍等各帶土兵共數萬人圍攻之困數月寨衆食將盡願乞降十一月十二日鄭厝寨許厝寨七百餘夥相繼出降婦女千餘口并斬之惟洪厝寨未下而餓死已過半乃舉火自焚官兵擁入屠其男婦一千餘人毀垣折屋三寨俱平【吳周府志揭陽劉志】○府志俱云圍攻三月乃克惟揭陽志作八月【

清兵徇鎮平賴其肖遁

自庚寅潮鎮郝尙久與吳六奇降清海陽以南悉爲清有賴其肖勢蹙退守長潭口據險爲固與平遠謝元汴犄角勢【明季潮州忠挽傳】是歲冬十一月班志富徇鎮平其肖遁【吳府志】○忠挽傳云惠潮道陸振芬

會徵服至其省察諷其歸濟其省誓以死報明
旋逃去吳府志謂其省降從征平遠誣也

是歲始行粵東鄉試

〔揭陽劉志〕

九年壬辰賴可夫踞平遠

公元一六五二

〔永曆六年〕是年二月賴其省弟可夫陷平遠知縣胡日增遁四月章京鼎應舉等率兵千人往援至十一年二月陳儲復平遠可夫遁〔吳府志〕○平遠鎮平始於去歲辛卯為班志富所收然不過城鎮其鄉寨仍不能盡服豪帥等仍潛伏山林時永曆播遷南寧入安龍兩粵悉陷賴其省謝元汴李士淳羅萬傑輩等陰相聯結仍往來潮循間不忘恢復也

夏四月山賊襲普寧

夏四月山賊襲縣城知縣李廷樞遁其子禦賊遇害〔吳府志〕普寧縣志○此條吳府志繫于黃鼎條疑為黃鼎餘黨

明大學士郭之奇策動全潮反正以應西師

初己丑間郭之奇會疏陳恢閩策略請以潮鎮郝尙久從黃函入詔安取漳州羅萬傑與吳六奇轄其省從大埔入永安取汀州而使謝元汴于平遠監軍與為犄角于武平上杭之間其後尙久已陰款清兵吳六奇復懷異志羅賴謝均勢弱不克有為至順治九年壬辰郝尙久密奏以全潮歸明而黃士俊黃公輔將起義于廣李士淳羅萬傑賴其省羅萬傑亦將起義于潮之奇以明東閣大學士兼禮兵二部尙書督師雷州復疏請以蠟詔相通集義旅以應西師遣邢祈長直趨虎賁王興營聯絡由肇廣潮惠潮以期合力大舉〔潮州耆舊集郭忠節集榕東郭氏譜明季潮州忠逸傳饒宗頤郭忠節年譜稿〕

十年癸巳春三月潮鎮郝尙久歸明

公元一六五三

〔永曆七年〕

九年壬辰潮鎮總兵郝尙久結寨金山頂是年正月大張燈宴會時尙久有意反清先是明大學士郭之奇請晉尙久侯爵以其副蔡元為恢勦總兵元遣將管萬齋奏之奇行營與尙久內外合力之奇加元同知銜翠潮將軍是歲三月平南王尙可喜令其將總兵劉伯祿檄尙久為參將總水師不赴乃以三月十五日執惠潮巡道沈時潮州知府薛信辰會黃錦鄒塗梁應龍洪夢棟等協謀舉潮州歸明下令軍民解纜裹網束帶自擁復

明將軍新泰侯奉永曆正朔改署官府勒紳富助餉築壘於金城山巔鑿井百餘尺可飲萬人積粟儲械爲久計分遣招下各邑其不服者攻之【吳府志台灣外紀】

宗頤按行在陽秋云癸巳四月尙久（原誤作文）復以潮州內附斬清知府薛尙辰此事周府志誤作癸巳之明年海陽吳志引滿漢名臣傳訂正之與吳府志同而尙久封爵行在陽秋稱新泰侯王昶撰陸振芬傳言是年尙久自署新泰侯台灣外紀及周府志海陽張志吳志俱作新泰伯蓋郭之奇爲請于永曆晉爵爲侯周府志以下仍稱曰伯者不與之也

郝兵略地不克

夏四月郝尙久遣許龍攻潮陽知縣王覺民乞援於蘇利利遣陳耀率衆數千航海來援龍解去五月尙久率衆架巨礮親攻潮陽北城彈丸雨下墜屋透垣會礮石兵至貢生朱家瓊等率鄉兵乘之郝兵乃退六月復攻竹山將再犯潮陽礮石兵迎戰於華陽陳萬權當先赴敵郝兵敗走其攻饒平大埔程鄉也俱爲吳六奇所拒其攻普寧也招清舉人林銘璽不從寨破銘璽闔門遇害鄉壯同死者八十餘人其招惠來也令部將李天蛟王得勝抵縣強收印劉署縣張邦聲密會礮石將陳萬權先伏勇士五十人於衙內萬權率兵應戰擒天蛟得勝尙久東北扼於六奇西南扼於蘇利所據僅潮州一城而已【吳府志潮陽唐志揭陽劉志普寧蕭志惠來張志參台灣外紀明季潮州忠逸傳】

秋七月閩兵攻鷺汀敗去

初尙久反清攻潮陽不克求援于閩成功赴援五月至鷺汀【海上聞見錄稱六月】爲陳君謬所扼七月朔引兵復來圍寨凡六日【澄海李志】鷺汀有船百餘隻加十八槳水上如飛遇大船以繩絆其舵牽之入港小船即攻殺之至潮者往往被其劫掠殺害甚多成功至攻其城楊廣亦以兵來會城厚而堅從辰至午攻打不下成功爲飛彈微傷足踝遂退兵次日至和平貴嶼寨納穀遂下船【海上見聞錄】大掠揭陽而去【

吳府志】

九月清兵屠潮州郝尙久投井死

秋閏八月清靖南王耿繼茂與靖南將軍哈哈木副都統道喇統滿漢兵十萬分駐城外時尙久所遣攻各邑兵皆退還拒守吳六奇蘇利所部引兵來會耿軍蔡元許龍亦棄尙久復附於清合兵攻城尙久勢益蹙【吳

府志海陽吳志滿漢名臣傳會天雨水暴漲尙久虞灌城請于巫巫降神當用鐵索數百舫以銷蛟龍索成沈諸江【臺灣外紀】九月十一日秋繼茂陽以巨炮攻西北門甚急夜二鼓陰遣舟師自東門進尙久部下領旗王安邦行在陽秋作王立功啓水門應之城中大亂尙久知城失急抽師入金山壘清大隊突至城不及閉遂與其子堯投井死繼茂令戮尙久父子尸縱兵屠掠死者約十萬明尙書林熙春之幼子林佳抱父柩大罵而死黃錦等逃匿幸免清兵既退西湖住持僧海德及義士鍾萬成鈔尸瘞之西湖山曰普同塔吳周府志海陽張志清史稿喀喀木傳清史列傳耿繼茂傳臺灣外紀明季潮州忠逸傳

宗顯接清兵克潮州清史稿世祖紀云是年九月丙辰丙辰爲二十四日臺灣外紀稱九月十一日行在陽秋作十四日揭陽劉志作十三日各書所載不同

援潮閩師引還

先是九月尙久遣心腹將楊清時至廈門求救鄭成功惡其反覆欲不援周全斌力請之乃命陳六御爲帥統楊祥江龍黃梧蕭泗吳豪等鎮先入揭陽港舟甫至南澳聞潮已破不敢進援而還臺灣外紀○吳府志云尙久求援于閩閩兵至潮州尙久拒之遂掠揭陽而去於事理不合

冬十月殺林有聲等於郡城下水門

林有聲本林學賢弟學賢吳府志稱漳州人惠來張志作漳浦人故張志亦稱有聲爲閩寇林天成與羅英舊攻略惠來羅英敗死有聲據崩山頭天成據靖海所碣石將陳萬權以兵擊有聲折毀崩山窠穴有聲遁是歲靖藩略定潮州乃率黨林天成赴府投見鄉民號籲支解於郡城之下水門吳周府志惠來張志

十一年

甲午 春正月明魯王幸南澳

【永曆八年】

魯王以海太祖第十子荒王檀九世孫父壽鏞世封于魯崇禎十年嗣封自癸巳春三月自去監國號是年移居金門南疆釋史紀略時鄭芝龍自清致書其子成功使執魯王以自贖成功不可欲送王入粵王不知其事將不行成功強之是歲正月去閩過風不能進回居南澳尋還金門臺灣外紀海東逸史東南紀事

宗顯按三餘氏南明野史附錄成功奉魯王居金門初至禮待甚恭既益懈王積不能平成功銜之未幾將王往南澳成功使人沈之海中明史諸王世表載順治十一年成功使人沈魯王于海惟是年魯王正幸南

澳何曾被沈故李瑤南疆釋史勘本云以臺海紀事魯春秋鮎埼亭集各編依時考之此說不足信

二月清遊擊陳儲入平遠

初順治九年沐寅亮謝上達黃統四陳鳳祥及四營陳忠張應龍等攻平遠千總劉仁迎戰死之十一年清游擊陳儲守備陳寔領兵入平遠執寅亮謝上達等遁五子石【一作五指石】平遠盧志】

潮鎮劉伯祿勦城甲寨賊鄭玄

鄭玄【海陽吳志避諱作元】海陽縣土弁據城甲寨以叛焚劫甚酷是歲潮鎮劉伯祿遣兵進勦玄潰圍出奔成功焚其寨【吳府志】玄爲黃海如餘黨初投撫弁吳九言旋叛去歸土弁余仁又叛去【周府志】後稱都督以邱孔異洪玉汝爲謀主至是伯祿統兵平之【海陽吳志】

宗頤按周府志作鄭元平繫其事於康熙十三年攷伯祿爲尙可喜將是歲代郝尙久鎮潮州而康熙十三年潮鎮乃劉進忠非伯祿也周志誤

夏四月清議割漳泉四郡地與鄭成功不受

四月清廷議割漳泉四郡地令鄭氏薙髮不受謝曰大邦若存此彈丸以延有明一綫請從安南朝鮮之例不廢職貢若不以爲然亦惟命是聽清師復陷潮州【南明野史鹿樵紀聞】

五月饒鎮吳六奇平藍霖九軍

五月饒鎮吳六奇帥兵圍九軍敵寨八月十二日大敗藍田九軍益兵萬餘圍馬頭營二百餘日十一月二十八日敵食盡乃開地窖夜竄死戰逃去【揭陽劉志】

閩兵攻饒平烏石寨不克

十月鄭成功犯饒平攻烏石寨不下尋引去【吳周府志】時平和人朱亮守烏石樓成功令右都督黃廷攻之樓小而堅百計攻之不下廷命洪善開滾地龍爲亮發覺乃于樓四角置缸盛水擲缸水動處鑿地視之得火桶地雷無數復填塞之及發火寂然無聲黃廷知城中有人遂撤師歸【台灣外紀小腆紀年】